

Te Heheuraa Api

E ITE IÄ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

No 12

-- TITEMA 1949 --

MAT. 36.

E PARAU NA TE PERESITENI NO TE EKALESIA TE FAITO NO TE OAOA MAU.

Ua rave rahi te mau taata, no tatou, tei faatano ia ratou i nia i te mau peu maamaa no teie nei ao e ua po roa to ratou mata i te mau ino e tae noa'tu i te taime aita e ravea faahou. I rotopu i teie mau u'i e vai nei ua rave rahi to tatou mau tane e to tatou mau vahine maitatai. Te vai nei te tahi pae tei haapao noa i te mau oaoaraa o teie nei ao. Ua tuuhia mai te mau arearea atoa, te mau faahemaraa huru rau i mua i te aro o ta tatou mau tamarii, e teie ia te hopea i te tahi mau taime, mai te mea aita tatou e haapao maitai, e mo'e te tahi pae o ratou ra.

O ta outou ia, e ta'u atoa hoi ohipa rahi, ia riro tatou ei hoho'a maitai mau i roto i to tatou nei oraraa, te imiaaa i te mau ravea no te tautururaa i to tatou mau taata tupu; te faaitoitova, eiaha i .o tatou ana'e mau tamarii, i te mau tamarii atoa ra o to tatou mau taata tupu, i te raveraa i te ohipa parau-tia, te faaturaraa i te mau metua tane e te mau metua vahine e i te haapaoraa hoi i te mau ture ta to tatou Metua

i te ao ra i horoa mai, no tatou, i tera taime e i tera taime. O te reira ia ta tatou faufaa rahi--e tei hau roa'tu, o ta tatou ia ohipa no te mea ua horoa mai te Fatu i te Autahu'araa i nia iho ia tatou e ua horoa atoa mai oia i te ite e, te ora nei oia.

Mai te mea, i roto i to'u tiaraa faatere i te hoê utuafare, aita i tia ia'u ia faaore i te mau ino te tae mai nei i nia i te taata nei, mai te mea, na roto i to'u haapao-ore-raa, e a ore râ, na roto i to'u haapeapea-ore-raa, aita i tia ia'u ia faatae i roto i ta'u mau tamarii te faaroo i te Atua ra, e mea papu roa i ite ihoa vau e, te vai ra te tau e tatarahapa e e oto vau.

E mai te mea, i roto i to tatou tiaraa melo no te Ekalesia, aita i tia ia tatou ia faaroo i te mau parau faaite e te mau parau haamaramarama a to tatou Metua i te ao ra, eita roa ia e noaa ia tatou ta tatou mau haamaitairaa, e mo'e ra te reira ia tatou.

Ua ite outou e, i te tahi mau taime, na te hoê mea iti roa te aratai ê atu ia tatou. Ua tupu te mana'o, i roto ia'u, a te-re noa'i au na roto i to tatou nei nunaa, ua haapiihia ratou e, eiaha e inu i te ava, eiaha e puhipuhi i te avaava, eiaha e inu i te taofe e te tî--e te mau mea e rave rahi ta te Fatu i parau mai no te maitai o to tatou mau tino e to tatou oaoa-ua faaite mai te Fatu i te reira mau mea ia tatou e e mea tia roa ia haapao tatou i te reira.

Area râ, a haere ai matou i roto i te utuafare o te tahi pae o te mau Feia Mo'a no te Mau Mahana Hopea Nei ua ite matou e, no te tahi tumu, e a ore râ, no te tahi ê atu tumu, aita â te tahi pae o ratou i haapii i te reira. Te hinaaro nei au ia vai te hoê ravea no te faataeraa, i roto i te feruriraa o te mau feia paari e to te mau feia apî atoa hoi, te hoê ite no te maitai no roto mai i te reira.

I to'u nei hi'oraa ra, e ere i te mea fifi roa ia haapao i te

mau faaueraa a te Fatu, no te mea na te haapaoraa ia ratou e aratai ia tatou i te oaoa mau.

E ere atoa paha i te mea fifi, i te mau tane, e te mau vahine, ia here te tahi i te tahi, e ia tiaturi maitai hoi te tahi i te tahi, no te mea, ia na reira ratou e noaa mai ia te oaoa.

E ere atoa paha i te mea fifi na te mau tamarii tamaroa, e na te mau tamarii tamahine, ia faatura i to ratou mau metua e ia here atu ia ratou ra, no te mea o te tahi atoa ia tumu te reira no te oaoa.

Ia riro tatou ei mau feia parau-tia, i te mau taime atoa, o te hoê ia tumu te reira no te oaoa. E riro to tatou afaro-maitai-raa, i to tatou mau taata tupu ei tumu no te oaoa. Te haapaoraa i te PARAU PAARI e riro atoa ia te reira ei tumu no te oaoa. Te aufauraa i ta tatou tufaa ahuru, e ta tatou mau moni oro'a, o te hoê ia tumu no te mau haamaitairaa e no te oaoa.

E tia noa ia'u ia faahiti noa'tu â i te tahi mau mea, tera râ ua tia roa ia'u ia haapoto i te reira na roto i te parau atu: *Te mau oaoa te au ia topahia i te reira i'oa mau, te mau oaoa e vai nei i roto i teie nei ao, e noaa mai te reira na roto i to tatou oraraa mâ, te haapaoraa i te mau faaueraa a te Atua-noa'tu ua ite, e a ore râ, aita te taata i ite i te reira.*

E teie noa iho te mea te tia ia tatou ia rave, mai te mea ua hinaaro tatou ia oaoa tatou, ia ora i te hoê oraraa parau-tia; e mai te mea e na reira tatou e haapao ihoa te Fatu ia oaoa mau tatou.

Tihoti Arapera Semita.



EDITORIAL

TE PAARI O TE TAATA NEI.

Te hoê taima ua haere mai te mau Pharisea, e te mau Sadukea e ua ui mai ratou ia Iesu e: *Eaha to mau pipi nei i ore i haapao i tei tuuhia mai e te feia tahito ra, i amu ai hoi i te maa ma te rima horoi-ore-hia?* Na ô atura o Iesu i te pahonora'a tu ia ratou ra: *E te mau haavare e, te haapao ore atoa nei outou i te mau faaueraa a te Atua na roto i ta outou mau parau i tuuhia mai ra.* E i reira ua tuu maira oia i te mau parau tei haamaramarama mai ia ratou no nia i to ratou haapaoraa i te mau ture ta te taata i faatia e to ratou ofatiraa i te mau ture a te Atua.

E au e ua pee te rahiraa o te mau taata, i te reira tau, i te parau i tuuhia mai e te mau feia rahito ra e ua hau roa' tu to ratou haapaoraa i te reira i te parau a te Fatu. Ua riro te parau tutuu ei faufaa rahi na ratou, mai i te tahi mau taata o to tatou nei anotau. Ua riro te reira ei mea auhia e te hui-raatira. O te peu ia, i te reira tau, ia pee atu i te mau parau a te mau feia i tahito ra.

E i to tatou nei mau mahana te vai noa nei te aroraa i ro-topu i temau PARAU TUTUU, oia hoi, te mau feruriraa o te taata nei, e te PARAU A TE ATUA ra. Ua rave rahi te taata tei parau e, te tavini nei ratou i te Fatu, tei ume-noa-hia e te mau peu i mataunia ra, e te mau parau tutuu a te taata nei. E mea tia roa ia tatou, ta taitahi, ia ui ia tatou iho e, e faa-hapa anei te mau feruriraa o te taata nei, i roto i teie mata-hiti 1949, mai ta te mau parau a te mau feia i tahito ra i faa-hapa, e i ofati i te mau parau a te Atua i to ratou mau ma-hana ra.

I teihea vahi i huru ê ai te mau parau tutuu no teie nei a-notau i te parau a te Fatu? E hi'o rii tatou i te tahi mau ya-hi o te reira huru-ê-raa.

Ua na ô mai te parau a te Fatu e: *Eiaha to oe e Atua ê atu i mua i to'u nei aro*; noa'tura i te reira ua rave rahi te taata tei tuu i ta ratou imiraa faufaa, ta ratou mau arearearaa e ta ratou hoi mau hinaaro i mua a'e i to ratou haapaoraa faaroo, e mai te mea te vai ra te taime e tia i te taata ia maiti i te mea ta ratou e hinaaro ra, e topa ihoa te haapaoraa i muri, ei numera piti noa iho.

Ua na ô mai te parau a te Fatu: *A haamana'o i te mahana Sabati e a haamo'a i te reira*. Noa'tura i te reira ua rahi roa tei faahemahia ia haere e faahee i nia i te pape toetoe, ia haere i te faahororaa puoahorofenua, ia hauti i te hauti taora popo, e te tahi atu â mau mea tei riro ei faahaparaa i taua mahana mo'a ra.

Te na ô mai nei ta tatou mau Hiro'a Faaroo e:

Te faaroo nei tatou ia ora tatou i te oraraa parau-tia. Te haapii mai nei na Ture hoê ahuru ra e: *Eiaha roa oe e eia*. *Eiaha roa oe e pari haavare ia vetahi ê*. Noa'tura i te reira ua rave rahi te taata tei hinaaro i te rave i te mau maitai o vetahi ê ra ma te parau, no te paruru ia ratou, *Oia mau, e ohipa imiraa faufaa te reira*, ma te haamo'e e, hoê â te parau-tia tei titauhia i roto i te imiraa faufaa e i roto hoi i te ohipa no te pae faaroo.

Te haapii mai nei te Ekalesia e, eiaha e inu i te taofe e te tî. Noa'tura i te reira ua riro te taofe e te tî ei na mea te rave-rahi-hia i roto i te mau taata no te fenua America. Ia titauhia te hoê Feia Mo'a i te hoê oro'a tamaaraa, e a ore râ, i te tahi atu â mau fariiraa, e rave anei oia i te reira no te faaoreraa i te peapea o te taata tei farii ia'na, mai te au i ta'na iho parau?

Ia operehia te mau inu i te mau vahi tei reira te mau Feia Mo'a, e haamana'o anei ratou i te mau parau tutuu e te mau faaueraa a te Atua?

I teie nei e ohipa ia te reira na te paari e na te haapaoraa faaroo. Te haapii mai nei te Fatu i te faaroo. Te haapii atoa mai nei te tahi mau feia paari i te faaroo. Area ra ua rahi roa tei hape i roto i to ratou haro'aro'araa i te poroi mau a te paari e te mana'o nei ratou e, e haamou te reira i te faaroo o te Atua. Ia haapiihia te reira i to tatou mau feia apî e mea tia roa ia ani tatou e, e tia anei ia ratou ia maiti i rotopu i te hape e te parau mau. Na roto i te faaiteraa'tu ia ratou te mau mea tei tupu na roto i te paari o te taata e e mea nahea to ratou tururaa i te faaroo, e tauturu-roa-hia to tatou mau feia apî i roto i to ratou maitiraa i rotopu i te parau mau e te paari haavare te haapiihia nei e te vetahi mau taata tei riro ei enemi no te Atua.

Te taatoaraa o to tatou oraraa nei e maitiraa ia i rotopu i teie, oia hoi, te taviniraa'tu i te Atua, e a ore râ, te pee atu i te mau peu i au-maitai-hia e te taata nei. Mai te mea e tuu tatou i to tatou hinaaro ia riro tatou ei mau feia au-maitai-hia e to tatou mau taata tupu i nia'tu i to tatou mau raveraa e te Atua, i reira ia tatou e pee atu ai i te mau haapiiraa a te taata nei.

Area râ, mai te mea e tuu tatou i ta tatou mau raveraa e te Atua i nia a'e i te mau mea atoa o te ao nei, tae noa'tu to tatou au-maitai-raa-hia e te taata nei, i reira ua maiti ia tatou i te maitiraa tano maitai e ua tuu tatou i te Atua ei matamehai i roto i to tatou oraraa nei.

AITA'TU E E'A Ê ATU

TEi ia tatou nei te ravea no te haapiiraa e, e nahea tatou e ite ai i te Atua, oia hoi, mai te au i te parau a te Aposetolo ra, o te ora mure ore ia. E teie nei, mai te mea o te iteraa ia'na ra te ora mure ore, eita'tura e noaa ia tatou te ora mure ore maori râ na roto i te iteraa ia'na ra. E nahea ra tatou e matau ai i te Atua, maori râ ia heheu mai Oia ia'na

iho ia tatou? Oia mau, ua na reira Oia, ua heheu mai oia ia'na iho i te taata nei i to tatou nei anotau. Ua noaa rii, ia tatou, te ite no'na ra; ua ite tatou e, o vai mau oia ra e o vai hoi tatou, e ua ite atoa tatou i ta'na opuaraa e to'na hinaaro a tuu mai ai oia ia tatou i roto i teie huru oraraa nei. Ua tae mai tatou no te haapiiraa i te hinaaro e te opuaraa o te Atua, no nia ia tatou iho, i roto i to tatou tiaraa tamarii na'na i roto i teie tamataraa ra, ia tia ia tatou ia titau i te faito mau e ia noaa atoa ia tatou te ravea no te ho'i faahou atu i mua i to'na ra aro, te vahi no reira mai tatou.

Eita roa te mau Feia Mo'a a te Atua e mauruuru i te piti, e a ore râ, i te toru o te hanahana. Aita'tu e mea e pahono i ta ratou mau titauraa maori râ te ora mau i roto i te basileia tiretiera o te Atua.

E nahea ra tatou no te titauraa i te reira hanahana?

Mai te au i ta'u i pahono a'e nei, aita'tu e ravea maori râ te haapaoraa i te ture tiretiera. Ua parau-papu-hia mai te reira i roto i te Buka Fafau, a heheuhia'i te reira i te tavini a te Fatu, i te mahana e te tau ta tatou e ora nei. Eita tatou e haere i muri roa, i roto i te mau tau arehurehu tahito ra ia noaa mai ia tatou te reira ite. Ua heheu mai te Atua i te reira, ia tatou, i teie nei mau mahana; e noa'tu i to tatou faaroora i te Bibilia, te Buka a Moromona e i te Buka Fafau, te vai noa nei to tatou mau hi'o ora, i te mau mahana atoa, no te haapii mai ia tatou i te e'a o te parau mau e te parautia ra.

E tia anei ia tatou ia faatere e ia haapao ia tatou iho?

E tia ia tatou ia na reira, eiaha ra i te taatoaraa, ta tufaa ra, area râ, i te mau taime e rave rahi e tia atoa ia tatou ia haapao maitai a'e i te reira i ta tatou e rave nei. E mea papu te rave nei te tahi pae o tatou i te vahi e maëë ia ratou ra, noa'tu ra i te reira aita tatou e rave nei mai te au i te vahi

tei itehia e tatou ra. Ia tatou iho, i te tahi mau taime, ua rave rahi roa te mau mea tei noaa te haro'aro'a ia tatou no te reira, e aita ta tatou e ravea no te raveraa ia ratou no te mau mea tei faaati ia tatou: noa'tura i te reira ua rave rahi to tatou tei rave i te reira mau mea mai te au i te itoitō tei noaa ia ratou, e teie te mea tia, ia tamata tatou i te rave i te mau mea atoa mai te au i to tatou itoitō.

E mea tia ia faatanohia to tatou mau tutavaraa no te haereraa i mua, i roto i te ite i te Atua e no te mau mea atoa e au no te ora mure ore, ia riro to tatou tere ei haereraa i nia e tae noa'tu *ia riro tatou atoa nei ei taata paari, i te faaroo hoe e te ite hoe i te Tamaiti a te Atua, ia taea te faito ra i te i o te Mesia i te rahi.*

Papaihia e, Daniela H. Wells.

TE HI'OPOARAA IA TATOU IHO E IA VETAHI E RA.

U A riro te peu ra, te hi'opoaraa ia tatou iho, e ia vetahi ê ra, ei ohipa rahi fifi. E mea papu e imi te taatoaraa o tatou i te otoheraa no te mau ohipa e ravehia e tatou nei e te faahapa nei tatou i te mau ohipa i ravehia e vetahi ê ra; e te rave nei tatou i te vetahi mau peu te ririhia e tatou mai te mea e ravehia ratou e vetahi ê ra —na te reira i faaho'i mai i te haamana'oraa i te taata i parauhia e te Fatu ra—oia hoi, te Pharisea tei pure ma te na ô atu e: *E haamaitai au ia oe e te Atua, i te mea e ere au mai te taata atoa nei.* E i ta te Faaora parauraa ra, ua maitai roa a'e te Telo-na o tei na ô i te parau, i roto i ta'na pure: *E te Atua, e aroha mai oe ia'u i te taata hara nei.*

E no te mea aita roa e taata hara ore i rotopu ia tatou, e ere ia i te mea tia ia faateitei tatou, ia tatou iho, i nia a'e ia

vetahi
o veta
hi ê ra
te reir
parau

Ua
faahap
haere
ma te
mau
oia i
Mai t
to tat
hoa t
te tia
atu v
a ore
raa ti

Ma
e mar
na te
faaut
hipa
huru,
e veta
teraa
nia ia

No
reira
vetahi

vetahi ê ra. Eita ra te reira i riro ei faatiaraa i te hapehape o vetahi ê ra. Eiaha e, no te mea te aroha nei tatou ia vetahi ê ra, e faariro te reira i te hape ei parau-tia. Area râ, na te reira e haamarû rii i te teiaharaa o ta tatou mau parau e parau atu, ia vetahi ê ra, no tatou iho.

Ua rave rahi hoi te mau ravea ta tatou e rave nei no te faahaparaa'tu ia tatou iho e ia vetahi ê ra hoi. Mai te mea e haere te hoê taata, tei matauhia e tatou, na pihaiho ia tatou ma te ore e hi'o noa mai, e mana'o ihoa tatou e, ua na reira mau oia ma te ite; teie râ paha te parau mau, te feruri ra oia i te hoê ohipa fifi roa no reira aita oia i ite mai ia tatou. Mai te mea e haamaitai tatou i to tatou mau hoa e ia tuu i to tatou mau fetii i roto i te mau vahi maitatai ra, e parau ihoa tatou, i roto ia tatou iho, te na reira nei tatou na roto i te tia e, e ohipa ihoa na tatou ia na reira. Area râ, ia tuu atu vetahi ê ra i to ratou mau fetii i te mau vahi maitatai, e a ore râ, to ratou mau hoa, e parau ihoa tatou e, e tauturu-raa tia ore te reira e e faahapa tatou i te reira raveraa.

Mai te mea e haapao ore tatou i te raveraa i te tahi ohipa e mana'o ihoa tatou e, ua mo'ehia te reira ia tatou. Area râ, na te tahi ê atu e na reira, e riro ia te reira ei hara te tia ia faautu'ahia. No reira e tia ia tatou ia faaite mai i te mau ohipa e rave rahi, te mau peu e te mau ohipa e piti to ratou huru, e mea ê i to tatou hi'oraa e e mea ê atoa ia hi'ohia mai e vetahi ê ra. E teie te mea te haamauruuru ia tatou, o te iteraa e, na tei ite maitai ia tatou nei e faaoti i te haavâraa i nia ia tatou paatoa.

No reira ia hi'o-maitai-hia, e ati noa a'e ia tatou e na te reira e aratai ia tatou i te iteraa i te huru mau o te ohipa a vetahi ê ra, te maitai e te ino, mai to tatou ite i ta tatou iho.

Maitihia

E Noaa Ihoa Te Mau Mea I Hinaarohia E Tatou.

UA parau pinepinehia e, i rotopu i te taata nei, e ite ihoa tatou i te mau mea ta tatou e hi'o nei. E ua parau atoahia e, e noaa ihoa te mau mea i hinaarohia e tatou, mai te mea ua hinaaro mau tatou i te reira.

E iteahia ihoa te maitai e te mau taata tei imi maite i te reira, e e oaoa ratou i te amuiraa'tu i te mau feia maitatai. E te mau feia tei au i te mau iino e te mau taata iino, e imi e e ite hoi ratou ia ratou ra. I to te Fatu parauraa e: *A imi e itehia ia*, ua parau oia i te hoê parau te au maitai i na pae e piti o to te taata nei huru.

Teie ia te hoê mea tei papu maitai i roto i te oraraa tahuti nei, oia hoi, te ture no te faautu'araa. E noaa ihoa ia tatou nei te utu'a te au i te ohipa i ravehia e tatou ra. *O ta te taata e ueue ra, o ta'na ia e ooti mai*; e tano te reira parau i te mau tau atoa o to tatou nei oraraa e ua hau roa'tu te reira i te tano i tei mana'ohia e te mau taata e rave rahi.

Ua pinepine roa tatou i te mana'oraa e, *e hauti rii tatou i te auahi* no te arearea e noaa mai no roto i te reira. Area râ, aita roa tatou i ineine maitai no te mea e noaa mai ia tatou a rave ai tatou i te reira. Ia ite tatou i te hoo o te reira, ua maoro roa ia, e ua rahi roa hoi te reira. E i te rahiraa o te mau taime e noaa ia tatou te ite e, e mea tia ia aufau tatou i te utu'a no te reira i te taatoaraa o to tatou oraraa nei.

Ua faataa te Fatu, e noaa ihoa ia tatou, ta taitahi, i ta tatou iho utu'a. E horoahia ta tatou mai te au i to tatou iho faito. Oia hoi, e haavâhia tatou e e faautu'ahia tatou mai te au *i te mau ohipa i ravehia e tatou i te tino nei*.

Ua rave rahi te mau otoraa tei fzataahia na te mau feia tei haere na nia i te hoê e'a au ore, no te mea ua hinaaro ratou

i te m
faa, c
to ra

A
nia a
hia t
oia e

Ua
te oac
e ua
ino;
e po
ia tae

E
pa oie
roa'te
hoi oi

Ua
O t

a te n
te tan
ra, ei
ia'na
haapo
mea
ta'na
i te p
maur
maira
e'a ia

No
e noa

i te mea tia ore ra, e a ore râ, ia noaa mai ia ratou te faufaa, e a ore râ, no te mea ua hinaaro i te haamauruuru atu i to ratou ra mau hoa.

A aparau ai te Peropheta ra o Alama no nia i te reira e no nia atoa i te tia-faahou-raa, ua parau atoa oia e, e faautu'ahia tatou mai te au i to tatou iho mau hinaaro. Ua na ô mai oia e:

Ua faatiahia te hoê i te oaoa mai te au i to'na ra hinaaro i te oaoa, e te maitai mai te au i to'na ra hinaaro i te maitai; e ua faatiahia te tahi i te ino mai te au i to'na ra hinaaro i te ino; e mai ta'na hoi i hinaaro i te rave i te ino mai te poipoi e po noa'e; mai te reira â hoi e roaa ia'na ra ta'na utua ino ia tae i te pô.

E mai te reira â hoi i te tahi pae. E mai te mea i tatarahapa oia i ta'na ra hara, e i onono atu hoi i te parau-tia e tae roa'tu i te hopea o to'na ra pue mahana, mai te reira ihoa â hoi oia i te faautuahia i te parau-tia ra. (Alama 41:5-6)

Ua aifaito atoa ta Ezekielâ parauraa i to'na na ôraa mai:

O tei rave i te hara ra, o te pohe ia. E ore e tuuhia te hara a te metua i nia i te tamaiti; e ore atoa hoi e tuuhia te hara a te tamaiti i nia i te metua: te parau-tia a te taata parau-tia ra, ei nia ia ia'na, e te ino a te taata parau ino ra, ei nia ia ia'na. Ia fariu maira te taata parau ino atoa na'na ra, e ua haapao i ta'u ra mau haapaoraa, e ua rave i te parau au e te mea tia ra, e ora ia oia, e ore ia e pohe. Te mau hara atoa ta'na i raverâ, e ore ia e mana'o-faahou-hia'tu ei hara na'na: i te parau-tia ta'na i rave ra, e ora ia oia i te reira. Huru mauruuru iti a'e anei to'u i te pohe o te taata ino, te na reira maira te Fatu ra o Iehova? e eiaha oia ia fariu mai i ta'na e'a ia ora? (Ezekielâ 18:20-23)

No reira, i roto i te mau tau mure ore, mai i ônei atoa hoi, e noaa ia tatou te mau mea atoa ta tatou i hinaaro—te mai-

tai no te mau hinaaro maitai e te ino no te mau hinaaro iino.

Mai te mea e faatano maitai tatou i to tatou mau hi'oraa, e ia maiti hoi tatou i te hoê rê tano maitai, te haamata ra ia tatou i te taahi i nia i te e'a o te oaoa. No te titauraa i te rê ia haere ihoa tatou i nia i te e'a te aratai ia tatou i te maitai. E mea tia roa ia haapae tatou i te mau e'a rii tapiri o te aratai ê atu ia tatou, e ia faaoromai tatou i roto i te parau-tia e tae noa'tu i te hopea ra.

Faaauhia ei reo Tahiti e Marcel Bonnet.

TE RAVEA E NOAA MAI AI TE FAAROO

Ua parau atura te mau Aposetolo i te Fatu, a faarahi mai i to matou faaroo nei.

O te pure ia a te mau taata atoa, o tei mata'u i te Atua, i te mau vahi atoa o te ao nei. No te mea ia ore te faaroo aore e ravea e vai nei no te haamauruuru i te Atua, e eita roa te taata e faaorahia, mai te au i te mau parau a te Mesia, maori râ ia vai to ratou faaroo i roto i to'na ra i'oa.

Ia faatumuhia te mau imiraa atoa i te faaroo i nia i te parau mau. I roto i to'na huru mau e tiaturiraa ia i te mau mea te ore e itehia nei, e e parau mau hoi te reira.

E ei ravea ia noaa i ta'na mau tamarii te tiaturiraa i te Mesia ua tono mai te Fatu i ta'na mau tavini maiti-mau-hia, i rotopu ia ratou, no te poro-haere-raa i te mau parau mau o te evanelia. Ia tupu te reira mau haapiiraa i roto i to ratou mau aau te haamata ra ia ratou i te tupu i roto i te faaroo. No reira o Paulo i parau ai e, e tae mai te faaroo na roto i te faaroora, e te faaroora na roto i te parau a te Atua.

No reira o Alama i faaau ai i te tanuraa o te parau a te Atua, i roto i te aau o te taata nei, mai te tanuraa i te huero raau ra. Ua parau mai oia e, mai te mea te hinaaro nei tatou ia noaa, ia tatou, te faaroo e mea tia roa ia hinaaro tatou ia tiaturi i te parau a te Fatu; e ia faaarepurepu i to tatou feruriraa no te hoê tamataraa ia tia ia tatou ia farii i te hoê tufaa no te parau o te oraraa.

E mea papu roa, e tia i te mau taata atoa, noa'tu i te iti o to ratou faaroo, ia farii i te hoê tufaa no te parau faaite a te parau mau ia tia ia ratou ia tiaturi, e ia tamata i nia i te reira. Mai te hoê haamataraa mai te reira, ua na ô mai o Alama e, e vaiiho tatou i te huero ia tupu e ia haamata i te haamaramarama i to tatou feruriraa nei. E a tupu noa'i oia e mea tia ia *faaamu noa tatou ia'na ma te itoito mau, ma te faaoromai, ma te hi'o i mua i te hotu ta'na e horoa mai.*

E ohipa ihoa te roaaraa mai te faaroo. Mai te mea e tia ia tatou ia farii i te hoê parau mau i teie nei mahana, mai te mea e faaherehere e e faaamu tatou i te reira parau mau e tae noa'tu e haamaramarama te reira i to tatou feruriraa, ua tupu ia tatou i te rahiraa e tae noa'tu e tia ia tatou ia farii i te hoê atu â parau mau i te mahana i muri iho e ia amui atu i te reira i nia i to tatou faaroo.

E no reira, te taata te faaroo i te parau no te ture o te tufaa ahuru te haapiihia nei e te mau tavini o te Fatu, e tei hinaaro ia ite i te parau mau e te hinaaro hoi ia tiaturi e ia tamata hoi i te reira, tei nia ia oia i te reni no te faatupuraa i te faaroo i to'na ra aau. Mai te mea e tamata oia, na roto i te au-fauraa i te tufaa ahuru, e haamata ia te faaroo i te tupu i roto ia'na ra; e mai te mea e faaamu maitai oia i te tumu o te faaroo, na roto i te tamauraa i te hapaoraa i te ture ra, e rahi roa ia to'na faaroo. E i te hopea, mai ta Alama i parau ra, e tae ia to'na iteraa i te papu-roa-raa e te papuraa o to'na faaroo i roto i te reira.

E na reira atoa hoi na roto i te haapaoraa i te tahi atu â mau faaueraa. Na roto i te haapao-maitai-raa i te mau pure-raa fetii, na roto i te haereraa i te mau pureraa oro'a, na roto i te haamo'araa i te mahana sabati, na roto hoi i te haapaoraa i te PARAU PAARI e te raveraa hoi i te mau mea atoa i haapiihia mai no te haapaoraa i te evanelia, e rahi ia to tatou faaroo.

E tae mai te faaroo na roto i te faaraveraa i te mau haapiiraa a te mau Aposetolo e te mau Peropheta. E na roto i te faaroo e riro ia tatou *ei mau tamarii na te Atua* o te riro *ei tamarii te farii i te ora mure ore i roto i to'na ra basileia.*

Maitihia.

E TAE NOA'TU IA SOLOMONA.

TEie te hoê o te mau ino e tupu nei, ta tatou e ite nei i rotupu i to tatou u'i apî nei, o te amuiraa'tu ia vetahi ê ra, e na te reira e faatupu, i te hopea, te hoê ino rahi. Aita roa e vai nei, i roto i to tatou mau u'i apî, te mata'uraa e te hereraa i te Atua, mai ta tatou i ite i te mau tau i mairi a'enei, e aita atoa te faaturaraa'tu i te mau Oro'a mo'a o Ta'na ra Eyanelia.

Ua horoahia mai te hoê ture i to Iseraela i tahito ra tei na ô mai e: *Eiaha oe faaipoipo ia ratou; eiaha oe e horoa i to tamahine i ta'na ra tamaiti, eiaha hoi oe e rave i ta'na ra tamahine na to oe ra tamaiti. E riro hoi ratou i te faafariu ê i to mau tamarii ia ore ia pee mai ia'u, ia haamori ra i te atua eê ra.*

O te reira ia te ture i horoahia ia Iseraela i tahito ra, e te tahi atu â mau ture tei horoahia ia Mose, e ua tapitihia te reira i te parau-raa-hia mai i to Iseraela o teie nei mau mahana, no te mea e huaai mau tatou no Aberahama, e no Iakoba, e ua horoahia mai ia tatou te mau haamaitairaa, e te mau faainoraa atoa hoi, tei tuuhia i nia ia Iseraela, mai te au i to ratou haapao-raa, e a ore râ, to ratou haapao-ore-raa i te mau ture a te Atua.

Te vai mana noa nei te reira ture, i nia ia tatou nei, i teie nei, e ia vai mau ihoa te reira e tia'i. Te ite nei tatou, i teie nei mau mahana, i rotupu i to tatou mau feia apî tei fanauhia e tei paari hoi i roto i te Ekalesia nei, o tei riro ei taata ai'a no te fafau e no te autahu'araa, aita ratou e farii nei

i te ma
o te Fa

Te tu
atu i te
tuahine
peu e t

A ha
peapea
tou i te
area râ
mo'e at
atoa ra
paari t
mai i te
atu ia'r
tupu n

TH
E Par

Te fa
te hoê t
i te fer
reira i
i to rat
te vai r
tahiti i
te mau

Mai t
ria, e p
mau ota
ka ra, r
tei papa

Aita t
iri puaa
Buka a
to i te t

i te mau haamaitairaa, no ô mai i te Atua ra, o te roaa mai i roto i te fare o te Fatu ra.

Te tupu nei te faaipoiporaa, i rotopu i to tatou mau feia apî e i to rapae atu i te faaroo nei, e te parau atu nei au ia outou, e te mau taeae e te mau tuahine, teie te mea ta'u e tiaturi nei, mai te mea e tamau-noa-hia te reira peu e tae mai te haamouraa i nia i te nunaa o te Atua.

A haapao maitai i te haereraa a teie mau feia apî e e ite ia outou i te mau peapea, e te te ati, i te apeeraa'tu ia ratou ra. Te haamana'o nei anei outou i te parau no Samasona ra, e taata puai oia i mua i te aro o te Atua ra, area râ, i te taima oia i rave ai i te hoê vahine no roto mai i te Philiseti ra, mo'e atura to'na ra puai e ua roohia oia i te mau peapea e te mau mauui atoa ra. O Solomona, taua arii tuiroo ra, e te taata paha tei hau atu i te paari tei ora i nia i te fenua nei, rave atura oia i te vahine na'na no roto mai i te tahi nunaa ê atu, e ere no roto i to'na iho ra faaroo, e ua aratai ê atu ia'na i te Atua ra e riro atura oia ei taata haamori idolo. O te ino ia e tupu nei i teie nei mau mahana.

Papaihia e Abram H. Cannon

TE HAERE NEI TE EKALESIA I MUA

E Parau mau ihoa te Bibilia.

Te faaite mai nei te parau apî, no roto i te hoê ve'a e, ua itehia a'enei, e te hoê taata tiai puaaniho, i roto i te hoê ana tei vai i pihaiho i te Miti pohe, i te fenua Canaana ra, te tahi mau otaro parau tahito roa. Ua afaihia te reira i mua i te aro o te mau feia paari no te reira tufaa ohipa, e i muri iho i to ratou tai'oraa i te reira ua ite ratou e, i roto i taua mau otaro parau ra te vai ra te taatoaraa o te Buka a Isaia, tei papaihia e 2.000 e tiahapa matahiti i mairi a'enei, oia hoi, ua hau atu te tahitoraa o te reira papairaa i to te mau parau tumu atoa no te Bibilia, tei papaihia e te taata ra.

Mai te au i te parau faaite a te mau taata paari Ati Iuda, America e Turia, e parau mau te reira mau parau e e mea tahito mau ihoa. Te tahi o taua mau otaro ra, te mana'ohia ra o na pene matamua ia o te Buka a Hababuka ra, no te ino ra o te mau otaro ra, no to ratou tahito aita i papu maitai tei papaihia i nia iho ra.

Aita te reira mau otaro parau i papaihia i nia i te pepa parau, i nia ra i te iri puaaniho, no reira ratou i vai maitai noa'i. Te roa o te otaro parau no te Buka a Isaia e tae ia i te 23 avae i te roa. Ua itehia te reira mau otaro i roto i te tahi mau farii pape tei vaiihohia i roto i te reira ana.

Ua Faahanahana hia.

I roto i te hoê ve'a no te 20 no Novema i mairi a'enei te faaitehia ra te hoho'a o to tatou tuahine Peretiteni, o Muria Mallory, i te taime oia i faahanahanahia'i a vaiiho ai oia i te toro'a Peretiteni no te Sotaiete Tauturu no te Titi o East Mill Creek a faaineine ai oia i te haere faahou mai, i rotopu ia tatou, no te faatere i te tufaa ohipa na'na ra.

Ua Tomohia te Fare Pureraa no te Taria Turi.

I re 20 no te ava'e no Novema i mairi a'enei ua tomohia te Fare Pureraa na te mau taata taria turi, i Roto Miti, e to tatou Peretiteni ra o Tihoti Alabera Semita, i mua i te aro o na taata ra e pae hanere. I roto i taua oro'a ra ua horoahia te tahi mau tufaa na te mau Feia faatere o taua Amaa ra, e e mau taata turi ana'e ratou ra, e ua faaite mai ratou i to ratou maururu rahi no te reira fare pureraa. Ua auvahahia te parau a te Peretiteni no te Ekalesia, na roto i te parau rima, e te vahine ra o Mrs. Wenger, o tei rave-tamau-noa i te ohipa i roto i taua amaa ra.

To Tatou Aposetolo.

I roto te ve'a no te 23 no Novema i mairi a'enei ua faaitehia te parau ra e, ua vaiihohia o Mataio Cauri i to'na toro'a Peretiteni no te mau Misioni i te Moana Patifita. Ua na reirahia no te faatupuraa i te hoê faatereraa apî no teie mau paeau, oia hoi, e haerehia mai e mataitai te mau Misioni no teie mau paeau e te hoê taata te maitihia e te Peretiteniraa Matamua, e ia oti to ratou tere e ho'i faahou ratou, i Roto Miti, no te faaite atu i te hopea o to ratou tereraa.

To Tatou Mau Hoa.

I roto i te ve'a no te 23 no Novema i mairi a'enei te faaitehia ra te parau no to tatou na hoa, o Barult tane raua o Brault vahine, i to raua haereraa i Roto Miti e farerei i te Peretiteniraa matamua e tae noa'tu i to raua mau hoa tei matauhia e raua i teie nei fenua. I to raua parahiraa i Roto Miti ua riro raua ei manihini na Alama Burton, te hoê o to tatou mau Peretiteni tahi.

I roto i te mau parau ta raua i faaite atu i reira ua haamaitai roa raua i te mau Peretiteni, e te mau Orometua, no te nehenehe e te maitai o to ratou oraraa i rotopu ia tatou nei, e mai te au i ta raua parau, ua riro te reira ei hoho'a maitai na te mau taata o teie paeau moana nei.